

Gerd Muhle-Aumbd bien Heimatveräin:

„Wie mött alltied mittenänner schnacken un kürn!“

Worümme häi düssen Aumbd (27. September 2023) inne Schürn Leiber sitt un watt vertelt, datt verklaorte Gerd Muhle gliexen att häi tougange käump: „Ick wull juh Beschäid giärbn, wie wichtich dat Schnacken un Kürn is.“ Masse Gäste wöhn kuomn toun Plattdütsken Aumbd von' Heimat- und Verschönerungsveräin „Oldenburgische Schweiz“ un lusterten upp sien' Vöhdrach.



Die beiden AG-Leiterinnen Waltraud Boving, Elisabeth Meyer-Nordhofe mit Gerd Muhle

Essen güng datt üm siene Kindhät: Gerd was upwassen in äin Dräi-Generationen-Huusholt mit Grautöllern, Öllern un sess Kinner. Owwer inne Naubaskup wöhn noch viärtich ännere Kinner, däi aale nur Platt schnackten. Häi säch, dao häff häi kien' Kinnergarden bruket, denn in Varnhorn gaif' t nauch tou spiärlen un tou ünneriärmen. Att häi inne lüttken Dörpschoule käump, kunnen däi mäissen Kinner kien Hauchdütsk. Datt wöh dann sou pöh a pöh kuomn. Owwer aale fäult sick dorbi komodich.

Dann güng et nau Vechte upp et Gymnasium, wo kiene – auk nich däi vonne

Buurskuppen – Platt schnacken wull. Datt was iähr tou schenierlich. In datt Schoulfach (Hauch-)Düütsk har häi eessen Malässen, und datt allereesse Diktat was „ungenügend“, denn häi schriff auk allemann nau den plattdütsken Wöörklang.

Nau Schoule güng häi inne Verwaltung toun Landkries Vechte, täin Jaohre, dann anne Gemeinde Lastrup un 1993 maket se em toun Gemäindedirektor in Holleruppe, 2001 dann toun Bürgermeister. Äin Vöhdäil heff häi dorbi immer hatt:

Sien Platt heff em alltied holpen, wenn häi mit ännere Lue watt verhandeln mott. An Enne is Gerd dann nau Damme kuomen und heff liärt, datt se in Damme nich schnacket, sunnern kürt. Sesstän Jaohr wöh häi Börgemäister un auk dor is

Platt manges äin Schlöddel tou stuuere Lue wiärn. Hüte schnacket häi nu bie all däi ünnerschädlicken Dialekte tükken Varnhorn un Damme äin „Platt-Mix“.

Nau düssen Däil güng an't singen. Maria Selke spiärde upp iähr Keyboard tou bekannte Melodien plattdütske Lieder. Un aale in däi Schürn süngen düchtich



Gerd Muhle während seines Vortrags



Maria Selke am Keyboard

mit, besünners bie „Däi ick am liäwssen mach, datt is uuse Dammer Schlach“.

Wieter güng datt mit äine Saake, däi Gerd owwer unbedingt noch verklaoren wull un watt Bundespräsident Frank-Walter Steinmeier sächt heff, däi mennede, wi schöllt aals stark maken, watt us tohaupe bringet. Dortau höört in uuse Region datt Plattdütsk un datt däi Lue alltied mittenänner schnacket. In uuse Tied von masse Krisen is datt pattu neudich.

Dann näum Gerd twäi Bäukers, däi sien Pappn schrierwn heff - natüürlick upp Platt. Äin van däi Dönkes, däi häi vöhlärst, wöh von den lüttken Josef, däi von sien' Lährer versohlt wern scholl, däi üm owwer bien orwer't Knäilleggen mit siene Hölsken K.O. schlaun heff. Auk äin Vertessel von Alfred Kuhlmann wö noch dorbie.

Inn' lessen Däil käum Gerd Muhle, däi föh Damme in' Kreistach sitt und stellvertretender Landrat is, tou däi Politik. Häi sett acht „Impulse“: 1. föh friejet WLAN, 2. föh Wieterentwicklung von däi Digitalisierung, 3. föh niejet Verstaun von däi Ortskerne, 4. föh denn Mobilitäts-Uutbau uppn Lanne, 5. föh nieje Ideen in uusen Tourismus, 6. föh

Impressum

Heimat- und Verschönerungsverein
„Oldenburgische Schweiz“ Damme e.V.
Lindenstraße 20, 49401 Damme
Tel.: (05491) 4622

Fotos: Wolfgang Friemerding
Redaktion: Wolfgang Friemerding
Gestaltung: beja media GmbH

orige Wertschöpfung uppn Lanne, 7. föh äin Enne von strukturelle Naudäile von lüttke Gemäinden un Städte, 8. mennde häi: „Wech mit Förderitis, Berateritis un touvull Bürokratie!“ Dor wull häi woll orwer diskutieren mit däi Besäukers inne Schüürn, doch däi wulln nich so recht anbieten.

So gäiwt dann noch twäi pläsierliche Dönkes uut däi Bäukers von sien Pappn un däi Lue süngen mit Marias Musik all tohaupe: „Schön is et upp däi Welt tou wiärn“ un „Äin bittken Spaoß mott wiärn“. Nu wöhn aale toufräie mit Gerd Muhle, mit Maria Selke un mit düssen Aumbd bien Heimatveräin.



Publikum am plattdeutschen Abend mit Gerd Muhle